

**J.U.ZAVOD ZA JAVNO ZDRAVSTVO KANTONA SARAJEVO**, ul. dr. Mustafe Pintola br.1/III  
Ilidža-Sarajevo, (u daljem tekstu: Izvršilac posla), Identifikacioni broj: 4200329950003 koga zastupa  
Prof.dr.med.sci.Aida Pilav, Direktorica,

i

**AKADEMIJA LIKOVNIH UMJETNOSTI**, ul. Obala Maka Dizdara br.3, 71 000 SARAJEVO  
(u daljem tekstu: Naručilac posla), Identifikacioni broj: 4200425750007, koga zastupa dekan prof. mr.  
Marina Finci, zaključili su

## UGOVOR O VRŠENJU USLUGA

### Član 1.

Izvršilac posla obavezuje se da će za potrebe uposlenika Akademije likovnih umjetnosti, shodno odredbama Zakona o zaštiti stanovništva od zaraznih bolesti ("Službene novine FBiH", br 29/05) izvršiti usluge sanitarnih pregleda, u skladu sa ponudom Izvršioca broj: 05.13.107-6122-1/18 od 13.09.2018.godine. Plaćanje i obračun će se vršiti po jediničnoj cijeni.

### Član 2.

Izvršilac posla izdati će sanitarnu knjižicu, nakon izvršenih kontrola i pregleda, sa eventualnim prijedlogom mjera, naručiocu posla u roku od 3 do 10 dana, od dana uzimanja materijala, u ovisnosti o vrsti materijala koji se uzima.

### Član 3.

Navedene usluge vršit će se u prostorijama Zavoda, u ulici A. Šahinagića br. 10 u vremenu od 8,30 do 11,30 sati ili u novom Domu zdravlja "Ilidža" na Ilidži, u vremenu od 8,00 do 12,00 sati, svaki radni dan, a po prethodno dostavljenom spisku lica kojima treba vršiti navedene usluge, s tim što se ove usluge mogu vršiti i u Vašim prostorijama, uz prethodni dogovor i pod uslovom da obezbijedite najmanje 10 (deset) lica kojima treba izvršiti pregled.

### Član 4.

Izvršilac usluga će ispostaviti fakturu Naručiocu posla nakon obavljenih usluga iz člana 1. ovog Ugovora.  
Ugovorni rok za isplatu fakture je 30 (trideset) dana od dana dobijanja fakture.

### Član 5.

Eventualna neblagovremena isplata fakture od strane naručioca posla, daje pravo izvršiocu posla da obračuna kamate koje su propisane Zakonom ili drugim propisima.

### Član 6.

Ovaj ugovor važi do izvršenja obaveza od strane Izvršioca posla, kao i izvršenja ugovornih obaveza od strane Naručioca posla.

### Član 7.

U slučaju eventualnih sporova ugovorne strane obavezuju se da sporove riješe mirnim putem, a u slučaju da se spor ne riješi mirnim putem, mjesno je nadležan Sud u Sarajevu.

### Član 8.

Ovaj Ugovor sačinjen je u 4 (četiri) istovjetna primjerka, od kojih po 2 (dva) primjerka pripadaju naručiocu i izvršiocu posla.

### Član 9.

Ovaj Ugovor smatra se zaključenim danom potpisivanja.

**AKADEMIJA LIKOVNIH  
UMJETNOSTI**

*Marina Finci*

Broj: 03-973/18 /18  
Sarajevo, 25.09.2018. godine

**J.U. ZAVOD ZA JAVNO ZDRAVSTVO  
KANTONA SARAJEVO  
DIREKTORICA**

*Aida Pilav*

Prof.dr.med.sci.Aida Pilav  
Broj: 05.14.110-6122-1 ugovor/18  
Sarajevo, 21.09.2018. godine.